



Universitätsbibliothek Paderborn

**D. Petri Chrysologi Archiepiscopi Ravennatis, viri
eruditissimi atque sanctissimi, Sermones In Evangelia De
Dominicis & festis aliquot solemnioribus totius anni,
insignes & peruetusti**

Petrus <Chrysologus>

Lvgdvni, 1623

De parola drachmæ perditæ, Sermo CLXIX.

[urn:nbn:de:hbz:466:1-50232](#)

poterat per agnum qui peccatum mundi tulerat in superna , amplius inuidiae penetrare peccatum. Fratres , ille nos quæsuit in terra , nos illum quæramus in cœlis: ille nos portauit suæ diuinitatis ad gloriam, nos illum sanctitate tota nostro porteinus in corpore. Glorificate , inquit , Apostolus , & portate Deum in *1.Cor. 6.*
corpore vestro. Ille Deum in corpore suo portat, qui nullum portat in suæ carnis operatione peccatum.

De parabola drachmæ perdite, Sermo CLXIX.

Per omnes Euangelicas lectiones latere mysticos sensus & cœlestis intelligentiæ manere secreta, norunt soli quicunque diuini spiritus gratiam perceperem. Ecce posteaquam pastor supernus perditam centenarij gregis ouem perquisiuit, inuenit : & angelorum lætitiam totam cœleste iam retulit ad ouile, mulier Euangelica producitur in figuram , quæ lumine accenso de decem drachmis vnam drachmam perditam sic requirit, ut inuenta hac de lucro suo, de suo gaudio , causam pariat cœlestium gaudiorum, sic enim dicit: *Aut quæ mulier habens drachmas decem si perdididerit drachmam vnam , non accedit lucernam, & euerrit domum , & querit diligenter , donec inueniat ? Et cum inuenierit , conuocat amicas & vicinas , dicens : Congratulamini mihi , quia inueni drachmam quam perdidideram. Ita dico vobis , gaudium erit coram Angelis Dei super uno peccatore pœnitentiam agentem.* Putasne mulier ista , communis est . aut habuisse eam decem drachmas humano putatur excessu , aut vnam casu creditur perdidisse mundano , aut simpliciter contigit quod eam nocturno requirit in tempore , aut lucernam de nostri usus more succendit , aut consuecum quod eam perdidit & inuenit intra domum , aut familiare , quod amicas ad lætitiam conuocat & vici-

Luc. 15.

N n s

nas quas perdens conuocasse non legitur ad mœrem : Nouum damni genus, & quod drachmam non oblatam patefaciat, sed dilapsam : & quod eam domesticis absconditam tenebris, & non defossam dolis loquatur extraneis. Videlis quām singulare sit totum, quām mortem transeat & supergrediatur humanum, quām diuinum spiret, & redoleat sensum : quām attollat ad cœlum mentis intellectum, quām collocet in supernis, quām cogat superni cordis accendere lucernam, & instar Euangelicæ mulieris per dominicæ lectionis obscura drachmam quærere scientiæ salutaris. Antequam Christus ad ouem veniret errantem, & miserandis discursibus attritam misericordibus humeris subleuaret ad cœlum, & onustus peccore pio inaccessas lupis perueniret ad caulas : mulier habens decem drachmas tenebras diutinas sustinebat, & non solum drachmam perditam deflebat vnam, sed ipsas nouem drachmas sibi residuas non videbat. Nox ei erat iugis, erat ei profunda & perseverans caligo, cui lucerna sine diuino igne ad noctis solatium non lucebat : sed postea quam supernus ignis, ignis spiritus sancti flammeo se super Apostolos imbre diffudit, & non minus frigida, quam tetra mortalium corda toto ignis sui calore succedit, Mulier, id est Ecclesiam, accendit lucernam suam, id est, internum illum sui cordis obtutum : hoc est, illuminatos, ut inquit Apostolus, oculos cordis vestri. Accendit ergo lucernam suam, & illam Iudicari domum ignorantiae cæcam tenebris euertit Apostolicum post laborem, donec iam de decem drachmis, hoc est decalogo legis drachmam perditam reperiret in Christo. Christus est plenum deitatis numisma, Christus est drachma nostrę redemptionis & precij, Christus est qui & erat in legis decalogo & latebat,

Ephe. 1.

bat , Christus est quem habebat & synagoga , & te-
nebris impugnantibus nō videbat. Decem drachmas,
decem legis diximus verba , ex quib[us] verbum per-
diderat & synagoga vnum. Quod vnum ? Illud quod
in Ecclesia primus, quia lucerna ardens erat, Ioannes
inuenit , dicente domino : Ille erat lucerna ardens: *Ioan. 5.*
dicente Euangelista: In principio erat verbum, & ver-
bum erat apud Deum , & Deus erat verbum. Hoc
fuisse in decalogo iam patescat. Audi , inquit, Israel, *Mar. 12.*
dominus Deus tuus, Deus vnuis est. Hoc synagoga
dum non videt in filio, amittit in patre : dum non
credit in Christo , Christum lethaliter crucifigit : cui
merito per decalogum consequenter dicitur : Non *Exod. 20.*
occides. Siquidem dum Iudeus ipsam mandatorum
seriem capite detruncat , ante Christi quam legis ex-
titit homicida: vnde & totum corpus retrorsit in
Christum : Non occides , non mœchaberis , damna-
ta est synagoga , quæ iuncta diis gentium repulit
Christum, qui seposita potestate dominantis, coniugis
ad eam descendit affectu. Non furtum facies. Furata
est dominicam resurrectionem , quæ premium militi-
bus dedit, ut resurrectionis infoderet & occuleret ve-
ritatem. Non falsum testimonium dices. Hæc est quæ
conquisiuit falsos testes , ut impleret illud : Exurgen-
tes testes iniqui , quæ ignorabam , interrogabant me. *Mat. 28.*
Et reuera aliter tradere non poterat veritatis aucto-
rem , quia semper sola impugnat falsitas veritatem.
Sic ruit , sic per gradus cadit , qui de scalis labitur &
corruuit præceptorum. Nam si dominum Deum cre-
didisset vnum , ad hoc ruinarum barathrum non
venisset. Sed nos lucernam matris Ecclesiæ iam se-
quamur , & ambulantes in lumine dominici vul-
tus Christi perueniamus ad drachmam , atque amicas
& vicinas , id est , Ecclesias gentium conuocemus,

Mat. 26.
Psal. 34.

ne

Psal. 131. ne matrem nostram drachmam suam nesciant inuenire, & dicamus cum Propheta: Paraui lucernam Christo meo. Et quid lucerna profuerit audiamus: Ecce audiuius eam in Ephrata, inuenimus eam in campus syluae. Introibimus in tabernaculum eius, adorabimus in loco ubi steterunt pedes eius. Ecce quod per distensos campos, & nemora diffusa quarebamus in domino, hoc matris inueniamus ad lucernam. Super hoc lætetur & cœlum, quia in uno peccatore pœnitentiam agente totius Christiani populi claudit pœnitudo, & tota deitatis forma Christi nostram refultit in drachmam.

De eo quod Christus misit Apostolos curatum varios morbos, Sermo C L X X.

Mar. 6.

Beatus Marcus hodie cum Galilæa dominum regnulit circumisse castella, ineffabilem circa nos prodidit eius pietatem. *Et circuibat, inquit, Iesus castella in circuitu docens.* Audistis quemadmodum circuit, quemadmodum te, & propter te ubique pietas indefessa perquirit. Et ille qui capit ipse omnia, nec a villa capitur ipse creatura, intrat, & tuo angustatur in corpore, tuis in habitaculis se coarctat. Et ille cuius maiestate vox fidelium quotidiana testatur clamans, Pleni sunt cœli & terra gloria tua: tuis propter te circuit, apparet, videtur, & tenetur in locis. Quo se mouet immobilis plenitudo, quo accedit, vel unde recedit, quo sunt plena omnia? Et tamen vadit, redit, descendit, ascendit, & totum te & propter te homo Deus patitur, quia te nimis diligit, nimis amat. Habitus suscipit, formas variat, commutat officia: & nūc

Exod. 3.

igneus tibi resplendet in rubo, ut perfidia te frigidū fidei calore succendat: nunc elucescit cœlesti flam-

Exod. 13.

meus in columna, ut remotis ignorantiae tuæ tenebris,